

Visoki predstavnik se susreo sa ministrom vanjskih poslova Češke Republike



Visoki predstavnik Valentin Inzko susreo se danas u Pragu sa ministrom vanjskih poslova Češke Republike, Lubomírom Zaorálekom, kako bi razmijenili stavove o političkoj situaciji u Bosni i Hercegovini nakon formiranja novih vlasti.

Visoki predstavnik je rekao da od novih vlasti u BiH očekuje da prevaziđu zastoj u reformama i da više pažnje poklone stvarnim problemima građana, koji su istaknuti tokom protesta prošle godine.

„Građani BiH od novoizabranih političara traže pozitivniji pristup, kao i da se pozabave mjerama koja će donijeti bolji životni standard, ojačaju vladavinu prava, suoče se sa problemima nezaposlenosti, korupcije i kriminala, te osiguraju brz napredak ka EU. Politički lideri također treba da shvate da građani žele finansijsku i ekonomsku sigurnost, što se može postići samo putem dugoročnih investicija i otvaranjem novih radnih mjesta“, rekao je visoki predstavnik.

Međunarodna zajednica će nastaviti podržavati inicijative i dogovore koji za cilj imaju ispunjavanje međunarodnih obaveza Bosne i Hercegovine i otvaranje puta ka stabilnoj i prosperitetnijoj budućnosti svih građana. „Oni političari i građani koji žele da dobronamjerno surađuju kako bi zemlju poveli naprijed imat će našu punu i aktivnu podršku“, rekao je

Inzko.

U okviru posjete Pragu visoki predstavnik se također susreo sa Janom Hamáčekom, predsjedavajućim Zastupničkog doma Parlamenta Češke Republike, i Karelom Schwarzenbergom, predsjedavajućim Komisije za vanjske poslove Zastupničkog doma.